



## Universitätsbibliothek Paderborn

### **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1847**

MDXXXIX. Markgraf Johann vergleicht sich mit den Herzögen von  
Mecklenburg wegen der Räubereien und Zugriffe behufs Sicherstellung  
des Landes, am 16. März 1431.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

burch, hern herman to zwerin, Biffcoppe, Ere Capitle vnde ere Stichte. Dat wy bouenscreuen ffrouwe katherina vor vns vnd vnse vorscreuen Sones hern hinrike vnde hern Johan, hertogen to Meklenborch etc. alle desse bouenscreuen stücke, Puncte vnde articule, stede, vaste vnd vnthobraken to holdende scholen vnd willen, des tho orkunt vnde warer bekantnisse hebbe wy vnse Ingezeghel mit weten an dessen breff gehangen laten de gegheuen is to wyftok, an dem negelten fridag nach dem Sundage Letare tho mitaasten, Nach Cristi gebort dusent verhundert Jar vnd dar nach an dem envdrttigestem Jare.

Gherardus brufenitze de mandato domini.

Nach dem Originale des R. Ges. Kab.-Archives 81.

MDXXXIX. Markgraf Johann vergleicht sich mit den Herzögen von Mecklenburg wegen der Räubereien und Zugriffe behufs Sicherstellung des Landes, am 16. März 1431.

Wir Johans, von gots gnaden marggraue zu Brandenburg vnd Burggraue zu Nuremberg etc. Bekennen offentlighen mit diessellem brieffe fur allermeniglich, das wir vns auff heutigen gebung diez brieffe hie zu wistock mit furbedachtem mute mit den hochgeborn fursten hern Johansen vnd hern heinrichen geuettern, herczogen zu mecklenburg vnd herren zu Stargarde von solcher zugriffe vnd rouberey wegen, So denn biz auff diesen heutigen tag czwischen vns vnd den vnfern von beiden teilen vntereinander geschehn sein, gutlichen vnd freuntlichen miteinander geeeynet vnd uertragen haben nach solcher weise vnd form als hienach geschriben steet. Zum ersten so sullen vnd wollen wir gein Templin auff den nehsten sonntag vor pfingsten schirftkünstig kommen vnd auff denselben tag ernstlichen daran sein, das die vnfern die von den gnanten herczogen oder den iren vmmb einigerley zugriffe oder rouberey beschuldigt werden in darumb ein aufzrichtung vnd gnug ton, oder mit rechte dauon scheiden oder auch in freuntschafft sich darumb uergeen, das doch sunder ennigerley uerczihn auff den obgeschriben tag geschehn sol, vnd darauff sullen vnd wollen wir obgnanter marggraff Johans mit allen vnfern landen vnd leuten gein den obgnanten herczogen vnd allen iren landen vnd leuten in freuntlicher safze sittzen vnd die weile wir in solcher freuntlicher safze miteinander sittzen, dafür getrewiglichen sein mit ganzem vermugen, das der gnanten herczogen lande vnd leute vnbeschediget bleiben vnd nicht beraubt werden, auch ir veinde wider hawfen noch hegen vnd in auch keinerley furderung, hielff noch rat ton, Sunder weres sach das nu vortmer ennigerley zugriffe von vnfern mannen oder vnterlassen in der obgnanten herczogen landen geschehn vnd vns die obgnanten herczogen ein solchs uerkundigten vnd darumb manten, So sullen vnd wollen wir oder vnser haubleute in einem manden nehst nach solcher uerkundigung gein Templin reiten vnd von den vnfern, von den solch zugriffe geschehn wern, widertatt oder rechtes hellffen, das aber sunder ennigerley uerczihn gescheen sol vnd weres sach, das denn dieselben vnser mannen oder vnterlassen, die solch geschicht getan hetten, vns vngehorsam vnd wider-

Sauptst. II. Bd. IV.

fellig wurden vnd wir die gnanten herczogen forderten vnd eifchten, So fullen vns die gnanten herczogen mit allen ganczen vermugen oder nach folcher weise als wir sie gefordert hetten in einem manden schirft nach der forderung, so balde sie vnser lande ruren auf vnser eigen koste vnd czerung, dar zu getrewlichen helffen vnd raten, das wir solch vngehorsamen gehorsam machen: vnd wurden denn ennigerley Slossz oder stete in vnsern landen gewinnen, dieselben stete, Slossz vnd manschaft fullen vnser bleiben: wurden auch ennig gefangen gewinnen, die fullen auch vnser bleiben, Sunder gewunne man Reifig habe oder ander larende gut das sol man teilen nach anczal gewapenter leute: vnd desgleichen widerummb ob wir von den gnanten herczogen von zugriffe wegen gefordert vnd geeifchet weren, So fullen vnd wollen wir ja auch in folchermafz uolgen als obgeschriben steet. Auch weres sach das einer oder mer von der gnanten herczogen mannen oder vnterlassen vns in zusprachen vnd schulden hetten vnd vns ein solchs von ja uerkündigt worde, So fullen vnd wollen wir dem oder denselben in einem manden nach der uerkündigung souil nach vnser Rete erkentniz ton, als wir jm oder ja von ernen vnd von rechten wegen pslichtig weren vnd desgleichen auch uber vnser mannen vnd vnterlassen in folcher obgeschriben czyt nach vnser vnter Rete erkentniz helffen on arg vnd on geuerde. Wir fullen noch wollen auch nu vortmer die weile wir in folcher freuntlicher saz sitten den gnanten herczogen nach iren landen, Steten, flossen vnd leuten nicht steen noch gedencken, die sie iczund ja iren geweren haben, sunder ir lande, mannen, Stete vnd vnterlassen getrewiglichen schutzzen, uerteidigen vnd beschirmen, vnd fullen noch wollen auch ja lande, leute vnd vnterlassen wider sie nicht uerteidigen noch ja ennigerley hielff oder rat ton, on arg vnd on geuerde. Auch weres sach die gnanten herczoge von folcher zugriffe vnd rauberey wegen, mit den iren oder andern zu ueiden chomen, So fullen noch wollen wir vns mit dem oder den nicht frieden, Sunder den gnanten herczogen getrewiglichen helffen vnd raten als obgeschriben steet. Auch sol dieser brieff vnd uerschreibung allen andern sazze briefen, buntnissen, uerschreibungen vnd eiden vormals geschehn vnschedlichen sein on geuerde: vnd in diese obgeschriben gutlich vnd freuntlicher sazze czihn wir die Erwidigen wolgeborn vnd Edeln vnser herren vnd lieben getrewen hern Steffan zu Brandenburg, hern Cristoff zu lubus, hern Conraten zu havelberg Bischoue, Albrechten Grauen von lindow vnd herren zu Reppin, Achim vnd Balthasar ganfen herren zu putlitz: vnd das wir obgnanter marggraff Johans alle diesse obgeschriben stücke, puncte vnd artikel, stete, ualte vnd vnuerbrochen halten fullen vnd wollen, des zu urkunde vnd warem bekenntniz haben wir vnser Insigel mit wissen an diessen brieff hengen lassen, der Geben ist zu wilstock, am nehten freitag nach dem Sontag letare zu mitteruasten, nach Cristi geburte virczehnhundert iar vnd darnach in den einvnddreifsigsten jaren.

Nach dem Copialbuche des Markgrafen Johann fol. 47—48. Fragment in Gercken's Cod. VII, 222.